

3684

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

2451
R 146

Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-04/1-04-21648-31-1/21
Sarajevo, 02.12.2021. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

-SKUPŠTINA KANTONA SARAJEVO
Služba za skupštinske poslove ✓

-VLADA KANTONA SARAJEVO
Stručna služba Vlade

Predmet: Odgovor na zastupničko pitanje, dostavlja se

Zastupnik Senad Hasanović je na nastavku 36. Radne sjednice Skupštine Kantona Sarajevo, održanoj dana 11.05.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, uputio zastupničko pitanje Ministarstvu za rad, socijalnu politiku, raseljena lica i izbjeglice kako slijedi:

" Na osnovu članova 106. i 213. Poslovnika Skupštine Kantona Sarajevo ("Službene novine Kantona Sarajevo – Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničko pitanje:

da li je resorno ministarstvo uspostavilo ili provodi aktivnosti na uspostavi jedinstvene baze podataka svih korisnika socijalne pomoći u cilju rane intervencije, prevencije, fer i pravedne raspodjele i sprečavanja zloupotreba?"

Na navedeno zastupničko pitanje dajemo slijedeći odgovor:

Prava korisnika socijalne pomoći u Kantonu Sarajevo obračunavaju se i isplaćuju kroz informacijski sistem SOTAC.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Zaključkom Vlade Federacije BiH V. broj: 1308/2020 od 24. septembra 2020. godine Federalno ministarstvo rada i socijalne politike je zaduženo da, u suradnji s kantonalnim ministarstvima nadležnim za oblast socijalne i dječije zaštite, kontinuirano pratiti funkcionisanje informacijskog sistema SOTAC. Istim je Zaključkom preporučeno svim nadležnim kantonalnim ministarstvima, kao i centrima za socijalni rad i općinskim službama socijalne zaštite da kontinuirano provode aktivnosti na unošenju svih prava iz navedene oblasti bez obzira kojim su propisima ista regulisana (kantonalnim, općinskim), te na vršenju isplata kroz informativni sistem SOTAC, kako bi se omogućilo optimalno funkcionisanje istog.

U Kantonu Sarajevo zaključno s mjesecom decembrom 2020. godine vršen je unos i isplata 19 kantonalnih prava iz sistema socijalne zaštite i zaštite porodice i djece pri čemu treba istaći da se 14 prava iz sistema socijalne zaštite ostvarilo preko kantonalnog centra za socijalni rad, dok se preostalih pet prava iz sistema zaštite porodice i djece ostvarilo preko nadležnih općinskih službi, uključujući i pravo na zdravstvenu zaštitu koje se isplaćuje iz općinskih budžeta.

U skladu sa odredbama relevantnog kantonalnog propisa, kroz sistem socijalne zaštite u Kantonu Sarajevo moguće je ostvariti slijedeća prava:

- Pravo na stalnu novčanu pomoć;
- Pravo na novčanu naknadu za pomoć i njegu od strane druge osobe;
- Pravo na drugu materijalnu pomoć;
- Pravo na osposobljavanje za život i rad;
- Pravo na hraniteljstvo;
- Pravo na smještaj u ustanovu socijalne zaštite i
- Pravo na kućnu njegu i pomoć u kući.

Od navedenih materijalnih prava iz sistema socijalne zaštite u Kantonu Sarajevo kroz informacijski sistem SOTAC su u 2020. godini isplaćivana slijedeća prava:

- Stalna novčana pomoć;
- Izuzetna novčana pomoć;
- Osposobljavanje za život i rad;
- Smještaj u hraniteljsku porodicu;
- Smještaj u drugu porodicu;
- Smještaj u ustanovu socijalne zaštite;
- Refundacija troškova ljekarskog pregleda;
- Pravo na sufinansiranje troškova podstanarstva;
- Pravo na sufinansiranje troškova grijanja;
- Pravo na topli obrok u kuhinjama;
- Zdravstveno osiguranje.

Osim navedenog, u 2020. godini je kroz informacijski sistem SOTAC registrovana i isplata slijedećeg prava iz sistema zaštite porodice i djece iz općinskih budžeta:

- Zdravstvena zaštita (općinski budžeti).

U skladu sa odredbama relevantnog kantonalnog propisa, kroz sistem zaštite porodice i djece u Kantonu Sarajevo moguće je ostvariti slijedeća prava:

- Pravo na dodatak na djecu;



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



- Pravo na novčanu naknadu zaposlenim porodicama;
- Pravo na novčanu pomoć nezaposlenim porodicama;
- Pravo na jednokratnu pomoć za opremu novorođenog djeteta;
- Pravo na pomoć u prehrani djeteta do šest mjeseci i dodatnu prehranu za majke dojilje;
- Pravo na smještaj djece uz osiguranu prehranu u ustanovama predškolskog odgoja;

Od navedenih materijalnih prava iz sistema zaštite porodice i djece u Kantonu Sarajevo kroz informacioni sistem SOTAC su u 2020. godini isplaćivana slijedeća prava:

- Pravo na dječiji dodatak;
- Novčana pomoć nezaposlenim porodicama;
- Novčana pomoć zaposlenim porodicama;
- Pravo na sufinansiranje troškova boravka djece u predškolskim ustanovama;
- Jednokratna novčana pomoć za opremu novorođenog djeteta.

Pravo na pomoć u prehrani djeteta do šest mjeseci i dodatnu prehranu za majke dojilje, kao i pravo na zdravstvenu zaštitu u 2021. godini se unose u informacioni sistem SOTAC.

Nedavno je i preko USAID/BiH pokrenuta inicijativa za imenovanje članova u projektni tim za realizaciju unaprijeđenja IT sistema SOTAC i jedinstvenog registra.

USAID/BiH je svoje aktivnosti započeo u aprilu 2020. godine i ima za cilj unaprijediti transparentnost i efikasnost javne uprave na svim administrativnim nivoima vlasti u BiH. Ovo prije svega podrazumijeva unaprijeđenje postojećih i/ili izgradnju novih informacionih sistema. U proteklom periodu uspostavljeni su kontakti sa ključnim institucijama i provedene analize trenutnog stanja i potreba za podrškom Projekta unaprijeđenju postojećih IT sistema SOTAC i Jedinstveni registar (puni naziv: Jedinstveni registar korisnika gotovinskih naknada na koje se ne uplaćuju doprinosi) koji se koriste u institucijama socijalne zaštite na području Federacije BiH. U junu mjesecu 2021. godine potpisan je Memorandum o razumijevanju između Federalnog ministarstva rada i socijalne politike i USAID-a kojim se predviđa saradnja svih institucija iz ove oblasti u izradi modernijeg i efikasnijeg elektronskog Registra socijalnih davanja, koji će se realizovati u okviru USIAD/BIH Projekta E-uprave, a u svrhu:

- Prikupljanja informacija o postojećim funkcionalnostima IT sistema za potrebe njihovog unaprijeđenja u sveobuhvatan elektronski registar socijalnih davanja na području Federacije BiH;
- opisivanja poslovnih procesa u nadležnim institucijama Kantona Sarajevo koje koriste SOTAC sistem za evidenciju podataka o korisnicima i pravima iz svih oblasti socijalne zaštite i Jedinstveni registar za evidenciju naknada na koje se ne uplaćuju doprinosi;
- sagledavanja potreba i mogućnosti za usklađivanjem zakonodavnog okvira u oblastima socijalne zaštite;
- sagledavanja potreba za analitikom i izvještavanjem na svim nivoima unutar institucija i prema vanjskim subjektima, posebno za potrebe Statistike, odabira ključnih korisnika IT sistema, procjeni potreba za njihovom obukom u cilju uspješnog provođenja zadataka tokom testiranja prihvatljivosti IT sistema;
- preuzimanja i korištenja IT sistema nakon realizacije njegovog unaprijeđenja.

Imenovan je tim stručnjaka ispred našeg Ministarstva (uključujući i Centar/službe za socijalni rad na području Kantona Sarajevo) koji će usko saradivati sa timom Federalnog ministarstva rada i socijalne politike i timom USAID Projekta E-Uprave u realizaciji gore navedenih zadataka te definisanju funkcionalnih i



web: <http://mrsri.ks.gov.ba>
 e-mail: mrsri@mrsri.ks.gov.ba
 Tel: + 387 (0) 33 562-089, Fax: + 387 (0) 33 562-090
 Sarajevo, Reisa Džemaludina Čauševića 1



ostalnih zahtjeva za unaprijeđenje postojećih IT sistema (SOTAC i Jedinствени registar) i kasnije u ocjeni prihvatljivosti isporučenog softvera.

Na osnovu rezultata provedene analize nameće se zaključak da je potrebno od postojećih IT sistema SOTAC i JR koji se koriste u institucijama koje provode socijalnu zaštitu na području FBiH izraditi IT rješenje e-Social Register koje će uspostaviti moderan sistem socijalne registracije i objediniti registar svih davanja (isplate socijalnih davanja i svih drugih koja se finansiraju iz budžeta u FBiH).

Dosljednim i potpunim korištenjem e-Social Register sistema ostvariće se napredak u oblasti socijalne i dječje zaštite u pogledu uspostavljanja kvalitetnije i brže komunikacije između različitih nivoa vlasti, kvalitetnije kontrole nad isplatama budžetskih sredstava, otkrivanja eventualnih zloupotreba sistema, znatnog skraćivanja trajanja upravnih postupaka, poboljšanja dostupnosti i ažuriranosti raznovrsnih podataka koji svim institucijama služe za kreiranje politika i zakona, raznih analiza i izvještaja.

S poštovanjem,

Pripremile: Edina Čičić, stručna savjetnica
Elma Jašarević, stručna saradnica

Kontrolisali: Edina Jakubović, šefica odjeljenja
Nuriya Hodžić, pomoćnik ministrice



Ivana Prvulović

Dostaviti:

1. Naslovu
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

